



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CXXIX. De observantia Cæremonialis Episcoporum ab hoc Pontifice
emendati.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

tum Priorem Generalem, & rerum necessaria-
rum inopiam, rec. mem. Innocentius Papa XIII.
Prædecessor etiam Noster, Priori Provinciali
ac nonnullis in Sacra Theologia Magistris Pro-
vinciæ Portugalliæ indulgit, ut illius Religiosos
debitis qualitatibus præditos Doctoratus laurea
sub certis modo, & forma tunc expressis in-
signire valerent, Nosque simile indultum Pro-
vinciis Aragoniæ, & Valentia ejusdem Ordi-
nis, etiam concessimus, & alias prout in ipsius
Innocentii Prædecessoris, ac nostris desuper in
simili forma Brevis expeditis literis uberius con-
tinetur.

Preces Fra-
trum Procuro-
ratorum Pro-
vinciæ Bathi-
cæ.

§. 2. Cum autem, sicut eadem expositio
subjungebat Provincia Bætica præfata Conventum
numero, ac Religiosorum frequentia flo-
reat, & in Civitate Corduben. in ejus centro
sita, ubi nulla adest publica Universitas hujus-
modi, duo ejusdem Ordinis Conventus repe-
riantur, quorum alter est insigne Collegium
sub invocatione Sancti Rocchi, ubi ejusdem
Theologia studia non sine ingenti plausu vi-
gent, dicti Exponentes ut Fratres Provinciæ
Bæticae præfate ad literarum studia alacri-
ori animo suscipienda, ac perficienda excitentur
spe aliquando laborum suorum præmium in
propria Provinciâ consequendi, quod alias, aut
nunquam, vel sine maxima difficultate, ac dis-
pendio obtinere nequirent, opportune in præ-
missis a Nobis provideri, & ut infra indulgeri
plurimum desiderent.

Concessio
prædicta.

§. 3. Nos ipsos exponentes specialibus favo-
ribus, & gratis prosequi volentes, & eorum sin-
gulares personas a quibusvis excommunicationis,
suspensionis, & interdicti, aliisque Ecclesiasticis
sententiis, censuris, & pœnis a jure, vel ab ho-
mine quavis occasione, vel causa latis, si qui-
bus quomodolibet innodata existunt ad effectum
præsentium dumtaxat consequendum harum se-
rie absolventes, & absolutas fore censentes, sup-
plicationibus eorum nomine Nobis super hoc hu-
milter porrectis inclinati, ut omnes, & singuli
Fratres Provinciæ, & Ordinis præfatorum, qui
peracto cursu, & lecturæ scientiarum juxta sta-
tura dicti Ordinis ad prædictum Collegium San-
cti Rocchi Corduben. accesserint lauream Docto-
ratus inibi prævio rigoroso examine coram ejus-
dem Collegii Rectore, & actualibus Sacræ Theologia
Lectoribus, duobusque in dicta Theologia
Magistris Ordinis præfati, ac cum eorum appro-
batione, servatisque aliis servari solitis ab ipso
Rectore suscipere libere, & licite possint, & va-
leant, auctoritate Apostolica, tenore præsentium
concedimus, & impertimur.

Clausula.

§. 4. Decernentes eadem præsentem literas
firmas, validas, & efficaces existere, & fore
suosque plenarios, & integros effectus sortiri,
& obtinere, ac illis, ad quos spectat, & pro
tempore quodcumque spectabit in omnibus,
& per omnia plenissime suffragari, & ab eis res-
pective inviolabiliter observari: sicque in præ-
missis per quoscumque Judices Ordinarios, &
delegatos, etiam Causarum Palatii Apostolici Au-
ditores, judicari, & definiri debere; ac irritum,
& inane, si secus super his a quoquam quavis
auctoritate scienter vel ignoranter contigerit at-
tentari.

§. 5. Non obstantibus præmissis ac Constitu-
tionibus, & Ordinationibus Apostolicis, ac qua-
tenus opus sit Provinciæ Bæticae, & Ordinis
prædictorum, etiam Juramento, confirmatione
Apostolica, vel quavis firmitate alia roboratis
statutis, & consuetudinibus; privilegiis quoque,
Indultis, & literis Apostolicis, in contrarium
præmissorum quomodolibet concessis, confirma-
tis, & innovatis. Quibus omnibus, & singulis,
illorum tenores præsentibus pro plene, & suffi-
cienter expressis, ac ad verbum inseritis habentes,
illis alias in suo robore permanuris ad præ-

missorum effectum hac vice dumtaxat specialiter,
& expresse derogamus, cæterisque contrariis qui-
buscumque.

Datum Romæ apud S. Petrum sub Annulo Pis-
catoris die III. Martii MDCCXXVII. Pontificatus
Nostri Anno Tertio.

Statuitur ab omnibus observandum Cæremonia-
le Episcoporum ab ipsomet Pontifice emen-
datum.

CXXIX.

BENEDICTUS PAPA XIII.

Dat. 7. Mart.
1727. An. 3.

Ad perpetuam rei memoriam.

§. 1. Licet alias fel. rec. Clemens VIII.,
ac subinde Innocentius X. Romani
Pontifices Prædecessores Nostri Cæremoniale Epif-
coporum edendum, atque a mendis expurgan-
dum curaverint, processu tamen temporis com-
pertum est novos errores non minus Typogra-
phorum imperitia, quam aliorum culpa, & ne-
gligentia in illud irrepsisse, ac proinde Nos, qui
in minoribus constituti per annos quinquaginta
Episcopi, ac Metropolitanæ munere, & dignitate
perfuncti sumus, cum nihil antiquius habueri-
mus, quam, ut Sacros Ritus, & Cæremonias
secundum antiquam, ac laudabilem Romanæ
Ecclesiæ disciplinam adamussim perageremus,
diuturno eorum usu, ac studio animadvertimus
utile, ac necessarium maxime futurum, si rur-
sus idem Cæremoniale novis curis recognitum
ederetur, obscura quædam in eo, & ambigua
illustrarentur, corrupta alia, & depravata emen-
darentur, nonnulla præterea inter se pugnan-
tia, & contraria conciliarentur, aliæque demum
hactenus prætermissa suis locis opportune adde-
rentur.

Cæremonia-
le vetus in-
numeris sca-
tebat errori-
bus.

§. 2. Ubi primum igitur ad summi Aposto-
latus fastigium, licet immeriti, & oblutantes
evecti fuimus, in hanc etiam sollicitudinem cogi-
tationes nostras direximus nosque ipsi hoc
opus aggressi, illud nonnullis, etiam adhibitis
piis, ac eruditissimis viris, sacrorum Rituum ap-
prime peritis, qui operam suam in ipso Cære-
moniali emendando, ac restituendo Nobis con-
tulerunt, benedicente Domino perfecimus. Ita-
que ne tam utilis Ecclesiæ Catholice hac in re
labor suo frustraretur effectum, Motu proprio, ac
ex certa scientia Nostri, deque Apostolica po-
testatis plenitudine, Cæremoniale Episcoporum
hujusmodi a Nobis, ut præmittitur, recognitum,
& emendatum perpetuo confirmamus, & ap-
probamus, illudque in universali Ecclesia ab
omnibus, & singulis personis, ad quas spectat,
& in futurum spectabit perpetuo observandum
esse in virtute Sanctæ Obedientiæ præcipimus,
& mandamus, ac Cæremoniale hujusmodi, sic
emendatum, nullo unquam tempore, in toto,
vel in parte mutari, vel ei aliquid addi, aut om-
nino detrahi posse, ac quascumque personas
præfatas, quæ Pontificalia, & Sacerdotalia mu-
nera exercere, aut alia quæcumque in ipso Cæ-
remoniali contenta facere, aut exequi debent,
ad ea peragenda, & præstanda juxta hujus Cæ-
remonialis formam, & præscriptum, teneri ne-
minemque ex iis, quibus ea exercendi, & faci-
endi munus impostum existit, nisi formulis,
quæ hoc Cæremoniali continentur, servatis, sa-
tis facere posse, perpetuo statuimus, & ordina-
mus. Per præsentem autem antiqua Cæremonia-
lia in his, quæ præfata Cæremoniali emendato
sunt conformia, minime aboleri, aut abrogare
censeri volumus, sed illorum etiam usum salva
emendatione prædicta permitimus.

Cæremonia-
le prædictum
ab ipsomet
Pontifice e-
mendatum.

Cæremonia-
le prædictum
sic emenda-
tum compro-
bat, & obser-
vandum esse
præcipit.

§. 3. Non obstantibus præmissis, ac Aposto-
licis, & in Universalibus, Provincialibusque, &

Clausula
derogatoriæ.

Synoda-

Synodalibus Conciliis editis generalibus, vel specialibus Constitutionibus, & Ordinationibus, necnon quarumvis Ecclesiarum, etiam juramento, confirmatione Apostolica, aut quavis firmitate alia roboratis, statutis, & consuetudinibus; privilegiis quoque, indultis, & literis Apostolicis quibusvis Ecclesiis, & personis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro expressis habentes, ad præmissorum effectum specialiter, & expresse derogamus, cæterisque contrariis quibuscumque.

§. 4. Volumus autem, & pari motu, & auctoritate decernimus, ut qui in Romana Curia sunt presentes, lapsis duobus, qui vero circa montes octo, & qui ultra ubique locorum degant duodecim mensibus integre excursis, vel alias ubi venalium hujus Cæremonialis Voluminum notitiam & facultatem habuerint, Sacras Cæremonias, & Ritus in eodem Cæremoniali præscriptos, juxta illius modum, & normam in quibuscumque actibus exercere, & observare teneantur. Quodque earundem præsentium literarum exemplis manu Notarii publici subscriptis, & sigillo alicujus personæ in dignitate Ecclesiastica constituta, aut illius Curia munitis, vel in ipsis voluminibus abque præfato, vel alio quopiam adminiculo Romæ impressis, eadem ubique locorum, & gentium fides adhibeatur, quæ præsentibus ipsis adhiberetur, si essent exhibitæ, vel ostensæ.

Datum Romæ apud S. Petrum sub Anno Piscatoris die VII. Martii MDCCXXVII. Pontificatus Nostri Anno Tertio.

CXXX.

Erigitur Archiconfraternitas Conceptionis Beatæ Virginis Mariæ in Ecclesia de Araceli Conventus Minorum de Observantia.

Innocentii XI. Const. ed. 1689. Maji 11. P. 13. erecta fuit in Archiconfraternitatem Confraternitas B. M. V. in Ecclesia S. Stephani de Cacco de Urbe.

Dat. 1. April.
1727. An. 3.

BENEDICTUS EPISCOPUS

Servus Servorum Dei. Ad perpetuam rei memoriam.

Exordium.

EX quo Sedes Apostolica diem festum in honorem Conceptionis Beatæ Mariæ Virginis Immaculatæ supra sua auctoritate olim instituit, cælestibus Indulgentiarum thesauris eum ditare, precibusque Christianissimum pro illo pie celebrando, sibi porrectis, benignas frequenter aures præbere consuevit. Quare nos quoque Romanorum Pontificum Prædecessorum Nostrorum vestigia sectantes, supplicibus petitionibus, quæ Nobis pro cultu erga eandem Beatissimam Virginem per alicujus fodalitatis erectionem promovendo, porriguntur, libenter annuimus.

Preces Procuratoris Generalis Observantiam pro hujusmodi erectione.

§. 1. Itaque dilectus Filius Frater Josephus Maria ab Ehora Procurator Generalis Ordinis Fratrum Minorum Beati Francisci de observantia nuncupatorum, exponi Nobis nuper fecit, hujusmodi Fratres, qui Cælorum Reginz verbo, & scriptis augendæ venerationis in terris usque a primo sui Ordinis exordio studiosissimos sese ostenderunt, & piarum precum, quas Coronam Beatæ Mariæ Virginis vocant, recitatione, Christianissimibus proposita, sacrisque laudibus in festi ejusdem Conceptionis obsequium, rite compositis, aliisque quamplurimis argumetis suum erga prædictam Virginem devotionis affectum ferventius confovere non destiterunt, nec desistunt, summopere optare, ut Christianus Populus ad pia opera sub auspiciis ejusdem

Conceptionis Beatæ Mariæ Virginis Immaculatæ exciretur, & propterea in Ecclesia eorum Conventus Sanctæ Mariæ de Araceli nuncupatæ de Urbe, unam utriusque Sexus Archiconfraternitatem auctoritate nostra institui postulante sub Invocatione ejusdem Conceptionis, illamque, postquam, ut infra, erecta, & instituta fuerit in locum Archiconfraternitatis etiam Conceptionis Beatæ Mariæ Virginis, nuper certis de causis, tunc adductis, in insigni, sæculari, & Collegiata Ecclesia Sancti Laurentii in Damaso nuncupata, de eadem Urbe, per Nos suppressa, & extincta quoad Indulgentias, privilegia, ac Indulta spiritualia tantum substitui, & subrogari, ac alia ei per Nos, ut infra, concedi, & impertiri.

§. 2. Nos, qui Ordinem prædictum, de Ecclesia Catholica optime meritum, semper eximia dilectione profecuti sumus, eorumdem fratrum propositum plurimum in Domino commendantes, ac Conceptionis ipsius Virginis Dei Mariæ cultum, & venerationem augere, animarumque salutem paterna charitate promovere cupientes, dictamque Josephum Mariam specialis favore gratiæ profecuti volentes, a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium tantum consequendum, harum serie absolventes, & absolutum fore censentes, supplicationibus illius nomine Nobis super hoc humiliter porrectis, inclinati, Dilecto Filio moderno Ministro, sive in ejus defectu, Vicario, aut Commissario Generalibus totius Ordinis prædicti, harum serie indulgemus, ut in dicta Ecclesia Sanctæ Mariæ de Araceli de Urbe unam utriusque sexus Christianissimum Archiconfraternitatem, quæ non sit pro hominibus unius specialis artis, sub eadem invocatione, & denominatione Conceptionis Beatæ Mariæ Virginis Immaculatæ, auctoritate Nostra Apostolica erigat, atque instituat, ad Omnipotentis Dei laudem animarumque salutem, & ejusdem Beatæ Mariæ Virginis honorem cum privilegiis, ab Apostolica Sede collatis, quibus Archiconfraternitates Sanctissimi Rosarii, ac Beatæ Mariæ Virginis de Monte Carmelo, & quem Nos ipsi professi sumus, Fratrum Prædicatorum, & ejusdem Beatæ Mariæ Virginis de Monte Carmelo, Ordines, exceptis tamen Indulgentiis, his Ordinibus quomodolibet concessis, utuntur, fruuntur, & gaudent, Dilecti Filii Nostri in Urbe prædicta ejusque districtu Vicarii in spiritualibus generalis, vel cujusvis alterius licentia desuper minime requisita, utque eandem Archiconfraternitatem sic, ut præfertur, erigendam, eidem primo dicto Ordini pro infra scripta participatione Indulgentiarum, eidem concessarum, ac piorum operum, per illius Fratres exercendorum, uniat, & incorporet, Apostolica auctoritate prædicta tenore præsentium, facultatem concedimus, & impertimur.

§. 3. Cæterum, ut Christianissimos spiritualium gratiarum, & privilegiorum muneribus illecti, se eidem Archiconfraternitati alacrius inscribant, Nos eam substituiimus, & subrogamus in locum alterius Archiconfraternitatis Conceptionis Beatæ Mariæ Virginis, per Nos in prædicta Ecclesia Sancti Laurentii in Damaso, ut præfertur, suppressæ, & extinctæ, quoad participationem Indulgentiarum, privilegiorum, facultatum, Indulgentiarum, aliarumque gratiarum spiritualium, quibus ultimo dicta Archiconfraternitas tempore suppressionis, & extinctionis gaudebat, & gaudere poterat; dummodo tamen Sacri Concilii Tridentini Decretis non adversentur; non vero eandem Archiconfraternitatem

Erectio prædictæ Archiconfraternitatis cum concessione Privilegiorum, & Indulgentiarum aliarum Archiconfraternitatum.

Subrogatur prædictæ Archiconfraternitatis in locum alterius in Ecclesia S. Laurentii in Damaso extinctæ.